

重脩順德府志序

通志者國史之根也而郡縣

志者又通志之本也周官內

史掌邦國之志外史掌四方

之志下至閭閻族師黨正以

歲月有書焉小行人又及其

萬民之利害為一書其禮
俗政事教治刑禁之逆順為
一書其悖逆暴亂作亂猶
犯令者為一書其札喪凶荒
厄貧為一書其康樂和親安
平為一書凡此五物者皆國

辨異之以及命于王唯周知
天下之故此即郡縣有志
之權輿也夫如是詎獨合
之而以成通志采之而以成
國史也哉因地制宜而循
吏之善政二於是焉出爾

本朝太平日久

聖相傳化成俗定幅員之廣
超越漢唐各直省已有通
志扼要提綱可以見大一統
之規模而各府州縣有因在
一方而此疆爾界利病懸殊

者非僅有成書豈能周悉
無遺而得其繁簡中最之
實也順德乃古大陸廣阿

之地漳滏諸水滌繞其間

為畿南雄郡舊志頗善

而已止於兵燹順治年間

所纂已非其舊殷志僅據
之而脩宜乎蕪雜缺漏而未
為典要也今郡伯武進徐
省菴以詞臣出守河間而調
任於此慨舊志之湮滅紀載
之不詳身任討論精心搜采

集衆長而要剛焉條分櫛
比不漏不支凡幾閱月而書
成可稱實錄而兼有三長矣
余適奉

命來藩茲上方期與賢守牧令
鑒別更新宣播德澤共成

聖世太和之雅化今觀此志而凡
官於順郡者按圖攷書可
以不下堂階而坐得一方之利
病百俗之情隱而隨時損
益之政皆於是乎在則史注
也而實兼乎史治何難耶是

以徵良二千石之政績乎哉
故喜而為之序

乾隆十五年歲次庚午

七月既望

通奉大夫直隸布政使司布

政使三韓恒文譔

--	--	--

重脩順德府志序

凡志之佳者宜續而

蕪者宜脩續如楮先

生之於龍門曹大家

之於孟堅踵事而已

脩則如李延壽之於

八書宋子京之於舊
唐書多有增減同異
我

國家治化翔洽文教
敷

世宗憲皇帝

詔開一統志館各直省脩
志乘甚盛典也

皇上龍飛以來仁漸義摩
化行俗美凡郡邑之
書錄其掌故以昭一
道同風之盛上諸蘭

臺固有司所宜任矣
余自雍正乙卯出守
湖廣鄖陽尋丁外艱
服闋補授直隸永平
府甫一歲調河間二
郡均為畿輔重地

每閱其志慨然壯之
蓋永志脩於宋荔裳
先生河間志脩於吾
宗梅溪公皆名進士
工文辭二書足稱信
史惟歷時既久思有

以續之顧在永則為
日淺河間以賑務未
遑歲丁卯夏四月調
守順德竊意順志必
與永平河間相埒乃
緡閱之下體例全無